



SOS DJEČIJA
SELA
BOSNA I HERCEGOVINA



Ministarstvo za rad, socijalnu politiku
raseljena lica i izbjeglice Kantona Sarajevo

PROTOKOL O SARADNJI



Poštujući UN Konvenciju o pravima djeteta, te Smjernice za alternativno zbrinjavanje djece, a na osnovu člana 58a. Stav (1) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14-Prečišćeni tekst, 38/16, 44/17 i 28/18)

Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu Ministarstvo), ulica Reisa Džemaludina Čauševića broj 1., koje zastupa ministar Malik Garibija

i

SOS Kinderdorf International, Predstavništvo u Sarajevu - u daljem tekstu: (SOS Dječija sela BiH), koje zastupa v.d. Nacionalnog direktora Damir Ćorić

Sarajevo, 12.04.2019. godine potpisuju:

PROTOKOL O SARADNJI

Član I (Predmet)

Predmet ovoga protokola je saradnja u oblasti alternativnog smještaja djece bez roditeljskog staranja, u porodice u okviru SOS Dječijih sela, između Ministarstva i SOS Dječija sela BiH (u daljem tekstu: Potpisnici)

Član II (Cilj Protokola)

1. Cilj Protokola je unaprijeđenje saradnje u Kantonu Sarajevo u oblasti alternativnog smještaja djece bez roditeljskog staranja u okviru SOS Dječijih sela, ostvarenja zajedničkih strateških ciljeva u oblasti podrške djeci iz porodica pod rizikom od razdvajanja te djeci i mladima kojima je potrebna alternativna briga, kao i u oblasti jačanja kapaciteta profesionalaca u sistemu socijalne zaštite.
2. Svrha Protokola je saradnja u cilju osiguravanja najboljeg interesa djece i mladih bez roditeljskog staranja.



Član III (Usluge)

SOS Dječija sela BiH će u okviru svoje djelatnosti pružiti smještaj djece i mladih bez roditeljskog staranja u porodice u okviru SOS Dječijih sela, te dati podršku u drugim oblastima kao što su:

- Proces deinstitutionalizacije
- Podrška razvoju hraniteljstva
- Zagovaranje unaprjeđenja kvalitete zaštite djece i mladih bez roditeljskog staranja i porodica pod rizikom od izdvajanja djece
- Učešće u radu relevantnih radnih grupa i drugih tijela na nivou Kantona Sarajevo.

Član IV (Cijena usluge)

Mjesečna cijena usluga smještaja u SOS Dječijim selima po korisniku iznosi 476,00 KM i 30,00 KM na ime novčanog iznosa namijenjenog za lične potrebe, odnosno ukupno do 506,00 KM.

Član V (Rješavanje nesporazuma)

1. Strane potpisnice Protokola će eventualne nesporazume nastojati riješiti sporazumno, a sve u najboljem interesu djece.
2. Ukoliko nastali spor ne bude riješen na ovaj način, isti će se rješavati pred nadležnim sudom.



SOS DJEČIJA
SELA
BOSNA I HERCEGOVINA



Ministarstvo za rad, socijalnu politiku
raseljena lica i izbjeglice Kantona Sarajevo

Član VI (Potpisivanje memoranduma)

SOS Dječija sela BiH će nakon potpisivanja ovog protokola, shodno članu 58a. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14-Prečišćeni tekst, 38/16, 44/17 i 28/18), a u skladu sa ovim protokolom sa Javnom ustanovom "Kantonalni centar za socijalni rad" potpisati memorandum kojim će se definisati međusobna prava i obaveze.

Član VII (Primjena Protokola)

1. Protokol se primjenjuje od dana potpisivanja obje strane potpisnice i važi na neodređeno vrijeme odnosno do eventualnog drugačijeg regulisanja usluga koje pružaju SOS Dječija sela BiH kroz zakonske i podzakonske akte.
2. Ovaj protokol sačinjen je u 4 (četiri) istovjetna primjerka od kojih svaka strana potpisnica zadržava 2 (dva) primjerka.

Ministarstvo za rad, socijalnu politiku, raseljena lica
i izbjeglice Kantona Sarajevo

Malik Garibija, ministar

Broj: 13-35-17341

SOS Kinderdorf International,
Predstavni

OS Dječija sela BiH

Damir Ćoric, v.d. nacionalnog direktora

Broj:

213/13
119/19

